



Inatsisartunut ilaasortaq
Tillie Martinussen
Suleqatigiissitsisut

**Inuit innarluutillit tapersorsorneqarnissaannut inatsisip atuutilersinneqarnera
pillugu § 37 malillugu apeqqummut nr. 127-2020-mut akissuteqaat.**

13-08-2020

Sags nr. 2020 - 12878

Akt. id. 14496831

Asasara Tillie

Apeqqutinnut qujanaq. Apeqqutit ataasiakkaarlugit ataani uteqqinnejarpot akissummillu kinguneqartinnejarlutik.

Postboks 260

3900 Nuuk

Tlf. (+299) 34 50 00

Fax (+299) 34 66 66

E-mail: iian@nanoq.gl

www.naalakkersuisut.gl

Naalakkersuisut kommuninut siunnersuillutillu ilitsersuisarput. Suliassaq tamanna Pitsaaliuinermut Isumaginninnermullu Aqutsisoqarfimmit isumagineqartarpooq.

Aqutsisoqarfik angalaaqatigiittartoqarpoq, taakkulu inunnut innarluutilinnut suliassaqarfik pillugu inatsisiliornernik nutaanik ilinniartitsisarput. Angalaaqatigiittartut najukkani kommuninik ilinniartitsisarput, angalaaqatigiittartullu taamaalillutik najukkani suliassamik suliarinnitarneq qanillugu.

Angalaaqatigiittartut kommunini tallimani tamani illoqarfinni tamani ilinniartitsisarnissaminnik pilersaarusiorsimapput. Ilinniartitsineq 2020-mi aggustip naanerani naammassineqarsimasussatut aallaqqaammut pilersaarutaasimagaluarpooq. COVID-19 pissutigalugu ilinniartitsinissamut pilersaarut allangortinnejqarsimavoq. 2020-mi ukiakkut kommunini tamani illoqarfinni tamani ilinniartitsisoqareersimanissa naatsorsuutigineqarpoq.

2. Inuit innarluutilli pillugit inatsimmi assigiinngisitsineq pillugu aalajangersakkat ilinniartitaanermi qanoq atuutilersinneqavippat?

Ilinniartitaanermut, Kultureqarnermut Ilageeqarnermullu Naalakkersuisoqarfip uku ilisimatitsissutigai:

Ilinniartitaanermi meeqqat inuuusuttullu innarluutillit immikkoortinnejarnissaat pitsaanerpaamik pinngitsoortinnejqarsinnaavoq atuartut ataatsiakkaat innarluutaasa taakkulu annertussusaasa nassuerutiginerisigut. Meeqqanut suli atualinngitsunut perorsaanikkut inerikkiautaaasunik ulluunerani neqeroorutit pillugit Inatsisartut inatsisaanni nr. 16-imi, 3. december 2012-imeersumi § 5, imm. 3, nr. 6 malillugu meeqqat innarluuteqarsinnaasut atuarfimmi pitsaanerpaamik aallartinnissaat qulakkeerniarlugu meeqqat 3-nik ukioqaleraangata meeqqat peqqissusiat inerisimanerallu, taamatullu aamma meeqqat 5-nik ukioqaleraangata meeqqap

atualernissaminut piareersimassusia pinngitsooratik misissorneqartartussaapput. Meeqcat atuarfianni immikkut atuartitsisarneq aamma allamik immikkut ittumik perorsaanikkut ikorsiisarneq pillugit Namminersorlutik Oqartussat nalunaarutaat nr. 21, 8. december 2017-imeersoq malillugu atuarfinni immikkut ittumik perorsaanikkut ikorsiisarneq taamaaqataanik inuit innarluutillit ilinniarnerminni immikkoortinnejarsinnaanerannik pinngitsoortitsisinnaavoq.

Taamatut ikorsiisarnermut ilaapput:

- Inunnut atuartup ineriartorneranut annertuumik pingaarutilinnut, atuartunut angajoqqaanullu, ilinniartitsisunut allanullu, immikkut ittumik perorsaanermut siunnersuineq.
- Atuartitsinermut atortussat immikkut ittut teknikkikkullu iluaquusersuutit atuartup atuartitaaneranut atatillugu pisariaqartinneqartut.
- Atuarnermut atatillugu suliassatigut, inuttut naammassisassatigullu ajornartorsiutit qaangernissaannut tapersersuutaasinnaasumik atuartumut inuttut ikorsiineq.
- Inuaqatigiinnut, ilinniakkamut, inuussutissarsiummut sammisamulluunniit allamut ikaarsaariarnermi atuartup namminersorsinnaaneranut imminullu ikorsersinnaaneranut inuttut siunnersorneqarneq.

Inuuusuttut ilinniartitaaneri eqqarsaatigalugit oqaatigineqassaaq

- inuussutissarsiutinut ilinniarnfinnut suliassaqarfimmi soraarummeernerup ingerlanneqarneranut soraarummeersinnaanermullu atatillugu inuit innarluutillit immikkoortinnejarnissaat pinngitsoortinniarneqartarmat. Tamatumani – ilaatigut Inuussutissarsiutnik ilinniarnfinni soraarummeertarnerit pillugit Namminersorlutik Oqartussat nalunaarutaat nr. 4, 18. marts 2015-imeersoq malillugu uppernarsarnejarsimasumik innarluuteqarneq tunngavigalugu ilinniariup piumasaqaatit aalajangersarnejarsimasut sanioqqussinnaavai.
- ilinniarnertuunngorniarfinni Ilinniarnertuunngorniarfinni ilinniarnermut ileqqorissaarnermullu malittarisassat pillugit Namminersorlutik Oqartussat nalunaarutaat nr. 10, 23. juli 2012-imeersoq malillugu peqataannginnissamut periarfissat aqutigalugit, taamatullu aamma Ilinniarnertuunngorniarneq pillugu Inatsisartut inatsisaat nr. 13, 22. november 2011-meersoq malillugu ilinniartunut ingerlatanik ilinniartitaanermut ikorfartuutaasunik pisariaqartitsisunut neqerooruteqartarnikkut immikkoortitsinissaq pinngitsoortinniarneqartapoq. Tamatuma saniatigut tamatuminnga pisariaqartitsilersumik ilinniartoq innarluuteqarpat ilinniarneq sivitsorneqarsinnaavoq.
- ilinniarnertuunngorniarneq nutaamik aallartitoq GUX-S aqutigalugu ilinniartut immikkut pisariaqartitsisut ilinniarnertuunngorniarnermik naammassinnittarnissaat ajornannginnerulersissavaa. Tamanna aamma ilinniartut innarluutillit immikkoortinnejaneqannginnissaannut peqataassaaq.

Qulaani taaneqartut aqutigalugit inuit ataasiakkaat ineriartornissaminut namminnerlu periarfissamik iluaqtiginiarnissaannut periarfissaat siuarsarnejartarpot, matumanri ataasiakkaanut tamanna periarfissaatillugu ilinniagaqarnissamut periarfissaqarneq ilanngullugu.

**3. Inatsimmi aalajangersakkat malillugit pissusissamisoortumik
siuariartortoqarnersoq Naalakkersuisut qanoq nakkutigaat, assersuutigalugu
innuttaasunut inatsit malillugu taperserneqarsinnaatitaasunut iliussissatut
pilersaarutit, ineriartortitsinissamat pilersaarutit, killiffik pillugu nalunaarusiat il.
il. sularineqartarnersut nutarterneqartarnersullu?**

Pitsaaliuinermut Isumaginninnermullu Aqutsisoqarfik aqqutigalugu inunnut innarluutilinnut ulloq unnuarlu paaqqinniffit nunamut tamarmut atuuttut Naalakkersuisut ingerlappaat. Aqutsisoqarfip inunnut innarluutilinnut ulloq unnuarlu paaqqinniffit ataasiakkaat ineriartortitsinissamat pilersaarutit killiffinnullu nalunaarusiat kiisalu inuit innarluutillit tapersorsorneqarnissaannut inatsit malillugu pisussaaffit sinnerisa sularinissaannut ilisimatissuteqartarlunilu ilitsersuisarpoq.

Inuit innarluutillit tapersorsorneqarnissaat pillugu inatsisiilornerit kommuninit allaffissornikkut aqunneqarnerat eqqarsaatigalugu nuna tamakkerlugu illoqarfinni tamani – apeqqummut 1-imut akissummi taaneqartutut – pikkorissartitsisoqartartussaavoq, tamatumunngalu peqatigitillugu inuit innarluutillit tapersorsorneqarnissaat pillugu inatsisiilornermik kommunit malinninnerat pillugu paasissutissanik angalaaqatigiittartut pissarsisartussaapput.

Naalakkersuisut nakkutilliussaataitaanerat pillugu apeqqummut 6-imut akissut innersuussutigineqarpoq.

**4. Inuit innarluuteqarnerannik imaluunniit tarnikkut timikkulluunniit
ineriartornermik ajornartorsiuteqartut suli suussusiliiffingineqannngitsut
misissorneqarnissaat misissorneqarnissaannullu qanoq iliussanersut
Naalakkersuisut qanoq qulaakkeertarpaat?**

Inuit innarluutillit tapersorsorneqarnissaannut Inatsisartut inatsisaanni nr. 13-imi, 12. juni 2019-imeersumi § 6 malillugu inunnut innarluutilinnut qanoq ukioqarnerat apeqqutaatinngagu Kalaallit Nunaanni najugaqartunut inatsit atuuppoq. Inuit innarluutillit tassaapput inuit ataavartumik timikkut, tarnikkut, silassorissutsikkut imaluunniit malugisaqarsinnaanikkut piginnaanikillisimasut, aporiillu assiginngitsut sunniivigeqatigiinnerisigut, allat assigalugit inuiaqatigiinni tamakkiisumik sunniuteqarluartumillu peqataanissaannut akornuserneqartut.

Inatsimmi § 25 malillugu inuk kapitali 8-mi aalajangersakkat malillugit tapersorsorneqarnissamik imaluunniit kapitali 9-mi aalajangersakkat malillugit najugaqarfissatut neqeroorummi najugaqarnissamik pisariaqartitsisoq ilimagineqartariaqarpal, inummut innarluutillimmut tunngasunik qulaajaanermik kommune suliaqartussaavoq. Qulaajaanerup aallartinneqarnissaanut innarluutip suussusersisimanissaa piumasaqaataanngilaq.

§ 38, imm. 4 malillugu nukinginnartumik tapersiivigineqarnissamik pisariaqartitsisoqartillugu commune immikkut ittumik tapersiinissaq pillugu aalajangiissaaq, aammalu immikkut ittumik tapersiineq aallartissallugu. Taamatut pisooqartillugu nukinginnartumik tapersiivigineqarnermut peqatigitillugu qulaajaaneq aallartinneqassaaq. Qulaajaaneq naammassineqarpal qulaajaaneq tunngavigalugu

taamatullu aamma inatsimmi aalajangersakkat allat isiginiarlugit kommune aalajangiissaq.

Suliani inunnut innarluutilinnut tunngasuni suliassanik suliarinninnissaq kommunit suliassaraat.

Ilaatigut nuna tamakkerlugu inunnut innarluutilinnut sullissivik nunamut tamarmut atuuttoq, Pissassarfik, aqqutigalugu kommunit siunnersuisarnikkut iltsersuisarnikkullu Naalakkersuisut ikorfartorpaat. Inuit innarluutililit tapersorsorneqarnissaannut Inatsisartut inatsisaanni nr. 13-imi, 12. juni 2019-imeersumi § 11 innersuussutigineqarpoq. Kommunini inunnut innarluutilinnut suliassaqfimmi suliaqartut taamatuttaaq inuit innarluutililit pillugit inatsisilorernut tunngasunik apeqqutissaqarunik Pitsaliuinermut Isumaginninnermullu Aqtsisoqarfimmut saaffiginnissinnaapput.

5. Inatsimmi kapitali 5 malillugu pitsaassusilimmik siunnersorneqarsinnaatitsineq Naalakkersuisut qanoq tapersorsorpaat ajornannginnerulersippaalluunniit?

Apeqqummut 1-imut akissut innersuussutigineqarpoq.

Inunnut innarluutilinnut sullissiviup nunamut tamarmut atuuttup, Pissassarfiup, § 11 malillugu inunnut innarluutilinnut taakkulu qanigisaannut kiisalu kommuninut siunnersuillunilu iltsersuisarnissaq ilaatigut suliassarimmagu, ilanggullugu ilisimatitsissutigineqarsinnaavoq.

6. Kommunit inatsimmik atuinerat Naalakkersuisut qanoq nakkutigilersarpaat?

Isumaginninnermi suliassaqfimmi nakkutilliisarneq pillugu Namminersorlutik Oqartussat nalunaarutaat nr. 22, 24. juni 2020-meersoq kiisalu inuit innarluutililit tapersorsorneqarnissaannut Inatsisartut inatsisaanni §§-it 64-imut 68-imut malillugit Isumaginninnermут, llaqtariinnut Inatsisinillu Atuutsitsinermut Naalakkersuisoqarfimmi Nakkutilliinermik ingerlatsivik nakkutilliinermik isumaginnittuovoq.

7. Inunnut innarluutilinnut inissaqartitsisumik suliffeqarnissap tapersorsornissaanut Naalakkersuisut pilersaaruteqarpat Naalakkersuisullu suliniateqarfimmut tassunga nutaamik pilersarusiorissamik periusissiorissamillu pilersaaruteqarpat?

Suliffeqarnermut Naalakkersuisoqarfiup uku ilisimatitsissutigai:

Suliffeqarneq akuutitsiviusoq ingerlalluartorlu, nunap ineriertorneranik ikorfartuisoq aningaasaqarniarnikkullu annerusumik nammineernerulernissamik qularnaarisooq Naalakkersuisut pingaaertippaat. Taamaattumik assaat tamarmik pingaaruteqarput, tamannalu – inuuusuttorpassuit sullinniarneqartut saniatigut – aamma inunnut innarluutilinnut atuuppoq. Naak suliffeqarfimmi inuit innarluutililit eqqarsaatigalugit iliuusaasartut annertusineqarnissaannik Naalakkersuisut ullumikkut immikkut pilersaaruteqanngikkaluartut, Naalakkersuisut suliassaqartitsineq eqqarsaatigalugu periusissamik nutaamik ineriertortitsipput, taannalu tamatigoortuussaaq nunamilu innuttaasunut tamanut isumalluutitut kissaatigisaasutut, naleqartutut aamma pisariaqartutut isiginnittuusussaalluni.

Peqatigitillugu naalakkersuisoqarfii assigiinngitsunik suliallit akornanni suleqatigiinnikkut sulinut "Imminut pilersornerulerneq" Naalakkersuisut pingartippaat. Tassani, naalakkersuisoqarfii assigiinngitsunik suliallit akornanni aamma kommunit suliffeqarnermilu illuatungeriit suleqatigalugit siunertarineqarpoq innuttaasut sapinngisamik amerlanerpaat pisortanit ikorsiissutinik pisartagaqaratik sapinngisamik imminut pilersorsinnaalernissaat siunertaralugu aaqqissutissanik inerititaqarfiusunik ataatsimoortunillu nassaarniarnissaq.

Taamatuttaaq 2019-imi ukiakkut ataatsimiinnermi Suliffeqarfii innuttaasunik tapersersortarialinnik suliffissaqaqtitsisut nalunaarsugaasut pillugit Inatsisartut inatsisaat nr. 31, 28. november 2019-imeersoq akuersissutigineqarmat ilisimatitsissutigineqarsinnaavoq. Suliffeqarfii innuttaasunik tapersersortarialinnik suliffissaqaqtitsisut tassaapput suliffeqarfii ingerlatsinertik isertitaqartarnerlu il.il. aaqtigalugit immikkut isumaginninnikkut siunertanik siuarsaanissaq siunertaralugu inuussutissarsiornermik ingerlatallit. Suliffeqarfinnik ingerlatsineq aaqtigalugu immikkut isumaginninnikkut inuiaqatigiinnullu iluaqutaasumik siunertat siuarsarneqarnissaanik kissaateqarneq ilaatigut inatsimmut tunuliaqutaavoq.

Tamatumani assersuutigalugu pineqarsinnaapput inuit innarluutillit, suliffinnik inuit ataasiakkaat atugarisaannut pisariaqartitaannullu naleqqussarlugit piareersarneqarsimasunik suliffeqarnissaannik qulakkeerinniffigineqartut. Aamma pineqarsinnaapput inuuusuttut inersimasulluunniit allanik pissuteqarlutik aarlerinartorsioqqajaasut, ingerlariaqqinnissaminnullu suliffeqarneq aaqtigalugu suliniutinik ikorfartuutaasunik pisariaqartitsisut.

Suliniut taanna suliffeqarfefimmur akuutitsinerusumut peqataassaaq, tassani inuit aarlerinartorsioqqajaasut inuilluunniit innarluutillit inuiaqatigiinni innuttaasunut allanut sanilliullugu naliqimmik atugassaqaqtitaallutik, kiisalu immikkut pisariaqartitarisinnaasaannut inissaqaqtitsilluni atugassaqaqtitsilluni, sulisinnaassallutik.

8. Isumaginninnermi siunnersortinut ikuutitut aningaasanik amerlanerusunik, inunnut ikorfartuisunut, atortunut ikuutinut suliaqarfinnulluunniit taakkunannga agguasinjaasunut aningaasanik amerlanerusunik immikkoorttsisoqarnikuua, tamassuminngaluunniit pilersaaruteqartoqarpa?

Inuit innarluutillit tapersersorneqarnissaannut Inatsisartut inatsisaannut nalinginnaasumik nassuaatini immikkoortoq 3 innersuussutigineqarpoq. Tassani atuarneqarsinnaavoq inatsisip atuutilersinnejarnissaanut atatillugu aningaasartuutanerusussanut 102,9 mio. kr.-inik immikkoorttsisoqarsimasoq.

**9. Inuit innarluutillit pillugit inatsisip atuutilersinneqarneranut tunngasunik
Naalakkersuisut allanik ilisimatisissuteqarsinnaappat?**

Siuliini apeqqutinut akissutit innersuussutigalugit inuit innarluutillit
tapersorsorneqarnissaannut inatsisiliornerup nutaap malinnejcarnerata
qularnaarneqarnissaa annertuumik suliniuteqarfigineqarmat oqaatigineqarsinnaavoq.
Suliniuteqarneq aallartilluarsimavoq, tamakkiisumilli malinnejqalernissaanut
piffissaqartariaqarluni.

Inuulluaqqusillunga


Martha Abelsen